



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De Frione occiso, qui ante mortem omnia sacramenta suscepit, cap. 22.

urn:nbn:de:hbz:466:1-13177

C A P V T X X .

Miles quidam sceleratissimus ab inimicis suis captus est & occisus, qui cum moreretur, haec ei verba ultima fuerunt: Domine miserere mei. In cuius morte obsessus liberatus est, quem cum post dies paucos atrociter vexaret, sicut supra dictum est de Cunone, cap. 17. interrogatus de hoc respondit: Multi congregati fuimus in morte militis illius, sed quia nihil ibi obtinuimus, amplius in hoc modico vasculo me vindico. Requisitus de causa subjecit: Tria tantum heu verba moriens protulit, propter quam potestatem nostram evasit. Ecce huic prædoni, ob invocationem diuini nominis, sicut latroni in cruce, tormentum versum est in martyrium. APOLLONIVS: In hoc exemplo satis considero, quod pœnitentia vera nunquam sit sera. CÆSARIVS: Duo subiungam exempla, per quæ cognoscetis, quod extrema contritio sit ex multa misericordia Dei.

C A P V T X X I .

IN Frisia nuper homo quidam diuines infirmatus est; habebat autem filium monachum & sacerdotem in Claro-capo, domo ordinis nostri, pro quo cum misisset, quasi pro salute animæ suæ, nescio quo Dei iudicio, sine confessione, sine viatico, & sine inunctione mortuus est.

C A P V T X X I I .

Circa idem tempus in eadem prouincia alias quidam Friso, hostibus suis occurrens, vulneratus ad mortem, & occisi sunt duo filii eius, cumque patrem occisores æstimaret mortuum, abierunt. Coperito tanto scelere, magister gragiæ in Bethwerde, adducto plaustro, occisos superposuit, & cum patrem adhuc spirare vidisset, clamauit: Viuitis adhuc dominus? cumque ille minimè respoderet, timens hostes esse, subiecit Conuersus: Ego sum, ne timeatis. Tunc ille: Ego enim adhuc viuo. Mox leuatus in vehiculo deportatus est ad grangiā, peccata sua confessus est, communicauit, inunctus est, sicq; spiritum reddidit. Ecce prior cum tempus haberet pœnitēdi, & filius eum

cū de salute quotidie moneret, omnia neglexit, moriēs impōnitēs: alter verò semimortuus, oleo misericordiæ, & vino pēnitētiæ, veri Samaritani cōfotus, de stabulo transiuit ad palatiū. Et est in his impletum scriptura dicit: Cui vult miseretur, gratiam infundendo; & quem vult indurare, gratiam non apponendo.

CAPVT XXIII.

IN diœcesi Traiectensi miles quidam extitit nomine Wigerus, in actibus militiae nominatissimus, in prima expeditione Dei munere compunctus, cruce signatus mare transiuit, tam fortiter & tam instanter Saracenos impugnans, ut tam Regi Ierosolymano quam cæteris Christianis dilectus esset & acceptus, & inimicis Christi nimis odiosus. Qui cū per annum integrum Saluatori ibidem strenue, ut dictum est, militasset, & repatriare cogitasset, die quadā in oculis eius in conflictu seruus eius occisus est, cuius animam in specie columbæ cœlos videns penetrare, compunctus de visione, dicebat intra se: Quid agere proponis ô miser? si reuersus fueris, vitia reperies dimissa, & erunt nouissima tua pejora prioribus. Ex tunc fortius agens solito, die quadam conflictum intravit, & occubuit, cuius caput Saraceni præcedentes, cum multa gloria circūtulerunt; Christiani verò, corpus rapientes atque sepelientes, Ecclesia super ipsum fabricauerunt.

CAPVT XXIIII.

Circa illa tempora, Theodericus de Rulant, vir potens & diues, deuotionis gratia profectus est Ierosolymam. Prostratus ante sepulchrum Dominicum huiusmodi fudit orationem: Domine Iesu Christe, qui omnia nosti, si non habeo me emendare à vitijs pristinis, non me permittas redire in terram meam, sed ut hīc mihi mori liceat concede. Audiuit hanc orationem aliis miles, compater eius, & ait: Ora nisi ne bene hodie compater? Etiam, inquit, dicete illo: Et cui vultis dimittere vxore & liberos vestros? Respōdit Theodericus: Melius est ut illos defera, quam animam meam perdā. Quid plura? Exaudita est oratio